



Innarluutillit naapeqatigiisinneqarnissaannut meeqqat innarluutillit angajoqqaavinut imaluunniit angajoqqaat sinnerlugit nakkutiginnittunut naapeqatigiisitsinermik neqeroorut

Sammissaq:	Timikkut isumaliortaatsikkullu innarluutilimmik qitornaqarnermi angajoqqaatut misigissutsikkut inooqataanermilu oqimaassinnaasunik atugaqartitsisarnera
Piffissami:	Sap.ak. 22, ulluni 29.-30.-31. maaji 2024
Sumiiffissaq:	Pissassarfik, Sisimiut
Peqataasinnaasut:	20
Sullinniakkat:	Angajoqqaat innarluutilinnik qitornallit
Qinnuteqarfissaq:	Kingusinnerpaamik ulloq 15.04.2024
Mailerfissaq:	pissassarfik@nanoq.gl
Naapeqatigiinneq:	Kalaallisut ingerlanneqassaaq

Inuit innarluutillit naapeqatigiisinneqarnissaat nuna tamakkerlugu neqeroorutaavoq ulluni pingasuni sivilissusilik, ukioq mannaluk angajoqqaat aamma angajoqqaat sinnerlugit nakkutiginnittunut innarluutilinnik meeralinnut neqeroorutaalluni.

Nassuiaat:

Innarluutilimmik qitornaqarnermi misigissutsikkut sakkortuumik eqquisinnaasarpog, tamannalu eqqumaffiginngikkaanni imminermut, ilaqutariinnermut inuiaqatigiinnut aammalu pisortanut kalluaasinnasarpog.

Angajoqqaatut imaluunniit angajoqqaat sinnerlugit nakkutiginnittutut eqqarsaatersuutigineqakulasarpog siunissami qanoq pisoqarumaarnera aamma pisuusutut misigineq imminullu assuarlerneq. Meeqqamut nalliginninneq peqquataalluni killiliisinnaaneq ajornakusoortinneqalertarpog taamaasilluni ilaatigut meeqqamut akisussaaffiaanermik kinguneqartarluni.

Aamma ilaatigut meeqqamut innarluutilimmut angajoqqaajulluni killeqalersinnaasarpog, tassa qatanngutaasut pisariaqartitaannik tunniussaqaarnissaq eqqumaffigineqanngitsoorsinnaasarmat. Angajoqqaatut, angajoqqaat sinnerlugit nakkutiginnittutut aammattaaq inooqatigiinnermi ajornartorsiutit aamma ilaqutariinni ajornartorsiutit pilersinnaasarpog.

Pisortanit sullinneqarneq ilinnut misigissutsikkut nukinnik atuinarsinnaavoq, aamma angajoqqaatut imaluunniit angajoqqaat sinnerlugit nakkutiginnittutut eqqortumik sullinneqarnissat pingaaruteqarpog, tamanna naapeqatigiinnermi eqqartorneqartussat ilagivaat.

Naapeqatigiisitsineq psykoterapeut Elisabeth P. Wille suleqatigalugu kalaallisut ingerlanneqassaaq.



Qinnuteqarneq:

Peqataanissamat qinnuteqarniaraanni kakkiussaq immersorneqassaaq.

Angalaneg aningaasartuutillu:

Illoqarfimmit allamit peqataasussat naapeqatigiinnissap allartiffissaa ullormik sioqqullugu tikissapput, naapeqatigiisitsinerlu naammassippat aqaguani aallaqqillutik. Taamaakkaluartoq angalatitsivinnit ul-lut angallavissat apeqqutaallutik tikiffissat aallarfissallu allaanerusinnaapput. Najukkamiit Sisimiunut uterlugulu bilitsi, naapisitsinermilu ineqarneq nerisaqarnerlu Pissassarfimmit akilerneqassapput.

Malugeqquneqarpoq bilitsit akikinnerpaat allanngortinneqarsinnaanngitsut atorneqarumaarmata. Pe-qataasussat, billetsit inniminnerneqareersut akuerineqareernerisa kingorna taamaatiinnartut allan-guiniarnerannulluunniit aningaasartuutaasinnaasut namminneq nammattariaqassavaat.

Sisimiunut tikinnermi Pissassarfimmit aaneqassaatit.

Angalanermi aningaasartuutit ass. taxarneq ullormusiallu Pissassarfimmut attuumassuteqanngillat.

Apeqqutissaqarnermi attavissat: pissassarfik@nanoq.gl imal. oqaras. 34 50 70.